



Dal Tavulin litterar han fatg part Manfred Koch, Esther Krättli e Claudia Knapp.

FOTOS F. ANDRY/A. BEELI

Puspè pudì giudair raquints

■ (anr/fa) Il public als 23avels Dis da litteratura han gi sonda suenter bunamain dus decennis puspè l'ocasiun da tadlar e giudair prelecziuns da raquints. 11 personas han prelegì lur texts. «Cun nossa Pagina laschain nus reviver in'occurrenza ch'i deva a l'entschatta dals Dis da litteratura, anc avant il Premi Term Bel», ha declerà Pia Valär sonda als numerus preschents, «dal 1990 fin 1995 survegniva tgi che aveva l'interess la pussaivladad da preleger in agen text, senza il giudicat d'ina giuria.» Quai ha il comité d'organisaziun decis da porscher era quest onn. Tut las inte-

ressadas ed ils interessads che vulevan preleger in text han pudì s'annunziar e far quai sonda passada en la sala Tircal. L'unica cundiziun era che lur texts cuntegniss la frasa «Nua è il chaschiel?». Cumenzà ha Theo Haas, il president da la vischanca burgaisa da Domat, la quala sustegna ils Dis da litteratura dapi l'entschatta. El ha quintà da l'Alp Ranascha Dadens sur Pigniu, dapi l'onn 1469 en possess da la vischnanca burgaisa da Domat: «Quest onn èsi vegni chaschà là per l'ultima giada, en avegnir na datti pli naging chaschiel d'alp da Domat, sin quest'alp vegnan messas en fu-

tur vatgas mamma.» La sort ha decis tgi che prelegia sco proxim. Renata Bott da Tschier è stada l'emprima, suandada da Christian Fey da Berna. Alura han prelegì lur texts Chatrina Josty da Bravuogn, Roman Caviezel da Cuira, Ladina Britt da Winterthur ed in zic era da Tschier, Nesa Gregori da Bravuogn, Aita Biert da Scuol, Madlaina Rauch da Sent, Walter Rosselli da Saxon, Rut Plouda da Ftan e per finir Benedetto Vigne da Turitg e Salouf.

Quests 11 raquints èn vegnids filmads da la RTR. Sin www.rtr.ch als pon ins guardar